

續資治通鑑長編
(136冊)



續資治通鑑長編卷三百三十九

宋 李燾 撰

神宗

元豐六年九月癸卯朔日有食之 詔內外官司見行

敕律令格式文有未便於事理應改者並申尙書省議

奏輒畫旨衝革者徒一年卽面得旨若一時處分應著

爲法及應衝改者隨所屬申中書省樞密院奏審傳宣

內降若需索並隨處覆奏得旨施行卽本司官親承處

分須索仍畫所得旨錄奏請實奉行於是上宣諭執政

曰傳宣內降及面得旨覆奏法屢付有司討論終未允

當今通內外爲一法可更看詳乃行之

元年十一月十八又三年五月

十三又五年十月二十
二又十一月十五日

是日尙書右丞王安禮面奏

比者舒亶坐自盜贓罪至除名楊畏論列以爲失誤有司觀望執政致以贓罪蒲宗孟翻究西府事楊畏論奏臣擅行省事以快所欲徇私壞法無復綱紀及令楊畏根治乃與所言不同前後論事枉直輕重不當如此乞付有司劾治或卽加重貶上批今日安禮面論御史楊畏論事挾情不直理當付獄否則重加貶逐朕未深究悉畏付吏可黜之狀三省官論有與安禮同者宜條列以聞當付近臣博議詳處其當已而三省進呈乃詔畏分析

甲辰東上閤門使曹偃言閤門使副舊以有兼局故輪差一員直日餘官前殿退卽各歸私第今新制行旣罷兼局自當隨三省樞密院仍乞著爲令從之

乙巳詔中書舍人分領六房隨所領命詞墨本云後復分日朱本削

去云復分日乃元祐元年正月二十八日指揮今從朱本廣西經畧司言勾當公

事譚揆言陶宗元等稱廣源尺寸之地難議分畫欲自

作章奏以朝旨決可否宗元既不聽命見已回安南詔

熊本指揮計議官如與陶宗元等計議仰詳朝廷降去

文字執持理道折難商量毋得留連督迫以啟蠻人輕

侮之意六月戊申七月辛亥八月乙亥錄故西京左藏庫使果州刺

史入內押班張允誠子左班殿直鉉爲左侍禁孫之雄

之純並爲三班借職以逮事先帝藩邸特推遺表恩也

丙午工部言都大提舉清河輦運司等乞以舊廣濟河

并清河行運詔除霧澤陂水令工部相度其餘水可與

不可接應廣濟河行運以聞廣濟河與清河並行運當考元豐五年二月十一日

實錄合編監製卷三十三

初罷廣濟運七月二十日王
桓云云七年八月十九日

上批提舉河東路保甲

王崇拯建議本路教騎人以十分爲率從上二分依麟
府路和市爲價每匹官給錢二十五千責令買及格馬
依五年買足據見管人二分當得六千九百一十八匹
爲價錢十七萬二千九百五十緡可支京東路元豐六
年上半年鹽息錢不足卽續支下半年令京東路轉運
副使吳居厚便置以往付王崇拯月具買馬數以聞其
請給之際官私人有分毫取與並依在京河倉法

此

本志亦有

戊申權發遣京東路轉運副使吳居厚爲天章閣待制
京東都轉運使先是居厚言本路元豐三年秋季至今
上半年終酒稅課利比元豐二年前官任內租額增百

七十五萬九千餘緡其前官任內二年酒稅比租額虧
二十一萬緡上批居厚將命一道不辱使指無黷乎上
不擾乎下不誼于聞而於二三年間坐致財用數百萬
計前日縣官窘迫一朝變為寬紓經費之外又能應緩
急之求內外理財之臣未有出其右者三省可議賞典
故有是命居厚以二年六月初除運判五年六月為運
副居厚本傳云居厚即萊蕪利國兩監官自
鼓鑄贍足一路事在此年九月厚判官當五路大舉後財
范純粹粹元豐末為陝西路轉運判官當五路大舉後財
用匱乏屢請于朝吳樞密居厚時為京東都轉運使方
以治鐵鼓鑄有寵即上羨餘三百萬緡以佐國用神宗
遂以賜范范得報愀然謂其屬曰吾部雖窘豈忍取此
膏血之餘即力辭訖弗納此葉夢得石林燕語所載按
詔旨欲撥徐州所鑄折二大錢二十萬付陝西三門
范純粹粹具奏不納乃元豐七年三月十四日事

白波提舉輦運司乞借本司所轄阜財監上供錢萬緡

遣官於鄰州市木於本司造船場造六百料運船下陝

西轉運使依數撥還從之

內降蘭州地圖付樞密院

手詔劉昌祚諸路探報夏賊點集至六七十萬雖其間精冗相參然賊人之眾若舉而偏攻一路當十倍於我萬一豕突入近襄州軍未知如何遏逐諸路帥臣各膺重寄未然之形宜有以預圖之可具賊之所嚮及禦逐方畧來上秦鳳路經畧司言所降將官敕本路五將各在外駐劄難爲聚議又緣未有直降下逐將敕策乞指揮詔秦鳳路諸將各降與一部除營陣法卽施行外其通用敕且令看讀候經畧司看詳指揮提舉河東保甲兼提點刑獄王崇拯等言第四等已下保丁之家如本戶災傷及五色以上卽乞依常平條施行從之仍令河北陝西開封府並依此施行

己酉皇第十一子生遣雍王顯告於太廟

舊紀書王子
悞生新紀不

書

詔諸路經畧安撫轉運司要急差用保甲牒提舉

司提舉司隨色應付戰守防拓差武藝高强及第一等

者役使差以次人

吏部言右千牛衛將軍士倪魏國

公仲來嫡長子當依禮令襲封從之

權發遣陝西轉

運副使范純粹言奉旨令鄜延環慶涇原秦鳳路經畧

司熙河蘭會路安撫制置使司於軍須錢內撥見錢二

十萬貫差官趁時糴買糧草封椿望許臣與劉昌祚詳

議據城砦緊慢以轉運司年計糴本及軍須錢帛并見

錢公據隨宜分擘凡合當計置處止作一場糴買委劉

昌祚與臣同共督責官吏趁時儲積候糴買畢卻細算

年計軍須錢本各依窠名椿管除以年計數充經費外

其餘軍須錢物所糴買到數目依本條施行其經畧司
取撥軍須錢二十萬貫指揮乞更不施行上批所申陳
利害之理甚明宜依所奏

此據朱本八月六日已卯並此月二十七日已巳皆合參

照

庚戌詔高麗國王王徽卒令明州就本州或定海縣擇
廣大僧寺以僧三十七人作道場一月罷散前夕作水
陸一會徽立凡三十六年其境東南臨海西北接契丹
女真黑水白王建并新羅百濟之地至此蓋百七十餘
年王居蜀莫郡曰開州號開城府新羅曰東州號樂浪
府爲東京王居東北二十日行百濟曰金州號金馬郡
南十二日行扶餘舊地曰公州號扶餘郡又南二十日
行平壤曰鎬州爲西京鴨綠江爲西北徼東所臨海水

絕清下視十丈大凡海至高麗界則清入登州經千里
長沙卽濁地寒多山國王出平地常乘車駕牛或以馬
步山險乃騎官有中書省中樞院平章事參知政事中
樞吏翰林學士知制誥大抵倣中朝國子監四門學學
者至六千餘人三歲一貢舉進士試詩賦論明經試一
大經一小經進士夜試給燭三爲蠟八兩燭盡不就卽
退榜放五十人書有東觀漢記百官以米爲俸或給田
授罷隨官增減致仕乃已貿易亦用銀米而不用錢不
禁民釀酒兵出於民藩衛王府國人好佛法開成府有
寺七十餘區與王寺僧千五百人官給田三百結俗以
田四方方四百步爲一結上田結收二百芒芒爲斗十
五正與中國一石等天聖以前使由登州入熙甯以來

皆由明州言登州路有沙磧不可行其自明州還遇便風四日兼夜抵黑山已望其國境自黑山入島嶼安行便風七日至京口陸行兩駟至開州

與實錄並不同當考
朱墨本並同正史高麗傳所載地里

辛亥陝西轉運副使范純粹言鄜延一路新地稅賦闕乏乞許臣不限元豐三年舊例酌鄜並州縣稅賦遠近移闕處送納從之
錄四方館使榮州團練使高永能子供備庫使世亮為皇城使忠州刺史孫右班殿直昌朝為右侍禁借職昌祚並為右班殿直加贈永能房州觀察使賻賜加等

壬子擢虔州贛縣尉馬防為宣德郎以捕賊應格也
癸丑御史楊畏言被旨分析王安禮所言事臣所論舒

直之事特出於所見非有它心及直卽罪則臣自知爲不當因請放逐陛下幸而赦之至於王安禮事臣請略言臣所論修西府事緣是宗孟安禮通書雖宗孟先批依申安禮押過若分首從理或可行獨罪宗孟臣所未喻且依申指揮事出官長安禮丞貳處而行之故曰擅事徑用本府吏人行遣不由有司故曰快所欲以己所居故曰徇私有法而不用故曰壞法安禮身任綱轄所爲若此故曰無復綱紀臣已案後收坐安禮情罪自緣朝旨罷勘卽非所言不同臣聞大臣法則朝廷尊故不量力以圖報効詔以畏爲宗正寺丞仍詔宗正寺除長貳外自今更不專差國姓官詔各品官詣尙書省六曹上下馬並依雜壓詣尙書省卽太中大夫以上就第

一貯廊監察御史以上就過道門詣六曹尙書廳卽太
中大夫以上就本廳監察御史以上就客位餘並過道
門外知瓊州劉威言朱崖軍土脈肥沃欲乞委本軍
除舊係黎人地不許請射外餘許招誘客戶請係官曠
土住家耕作仍立賞格激勸從之延州制勘公事所
上閤門使丹州團練使鄜延路第二將李浦案詔李浦
貸死免眞決不刺面配沙門島遇赦不得放還權環慶
總管曲珍罰銅二十斤浦坐永樂城下未戰棄寨出走
而副將高士才死戰浦不能救援又對制使不以實珍
坐聽浦請報制使軍前事不盡實也權發遣經畧安撫
司劉昌祚言浦諳曉軍政乞且留在本路準備緩急使
喚詔從之

昌祚奏留浦據御集五月二十五日當並考

甲寅河東經畧司言本路有當修城壁計功料浩大轉運司錢穀有限必難應副乞賜度僧牒五百分與緣邊州軍和雇軍民修完其次邊及近裏州軍乞令轉運司就農隙度工料發民夫從之

乙卯京東都轉運使吳居厚乞并提舉京東路鹽稅司入轉運司爲鹽事案又乞青州等十二處監鹽官令本司奏差兩次及非州縣處場務獨員闕官亦令本司選差並從之

初置鹽稅司當考或是張景憲

提舉京城所言先準朝旨

發夫開新城外壕候興役令開封府界提點司與提舉京城所官同提舉勘會本所已檢計分放工料難更同提舉緣今夫役近在輦轂之下全藉鎮撫欲望差管軍臣僚都大提舉詔開封府界撥夫五萬人仍差權開封

府推官祖無頗提點開封府界縣鎮公事范岫殿前都

虞候苗授都大提舉編攔提舉陝西買馬監牧司言

乞免簡發沙苑監捧日馬留為馬種從之七月末涇

原路鈐轄知鎮戎軍姚麟言遇別路關報西賊入寇乞

親總兵出界牽制從之

丙辰承議郎左司郎中楊景畧為高麗祭奠使供備庫

副使兼閤門通事舍人王舜封副之朝散郎錢勰為弔

慰使西頭供奉官閤門祇候宋球副之兩紀並書以高麗國王卒遣使

弔戶部言侍郎蹇周輔言河北鹽稅太輕宜倍增稅

錢乞下所屬參較立法本部欲下河北轉運司相度從

之此據實錄朱墨同會要在詔撥河北糴便司見錢

二十萬緡應副都轉運司市糧草管勾河東緣邊安

撫司李宗師言體量麟豐州弓箭手借官錢穀實以闕
食乞住催納從之 詔門下中書外省秘書省依諸司
遇大忌不作假及不隨執政官早出其尙書左右司樞
密院承旨司大忌早出日隨執政出指揮其罷之 詔
給事中分領六房兩員卽依左右曹分領奏章開拆制
敕庫房進奏院通進司並通管 熙河蘭會路經畧制
置司乞以見在蘭州駐劄秦鳳路駐劄東兵兩指揮隸
熙河蘭會從之 蕃官六宅使李阿邁減磨勘四年以
熙河蘭會經畧司上阿邁部五十騎出界刺事獲首級
功狀故也

丁巳上批付劉昌祚得所進器械具悉今於京師見作
軍仗賜卿金線烏梢弓十神臂弓二將官甲馬軍甲偏